

續修四庫全書

《續修四庫全書》編纂委員會編

續修四庫全書

上海古籍出版社

一三〇五・集部・別集類

駱臨海集箋註十卷首一卷末一卷〔唐〕駱賓王撰〔清〕陳熙晉箋注……………一

王子安集註二十卷首一卷末一卷〔唐〕王勃撰〔清〕蔣清翊注……………二五五

李嶠雜詠二卷〔唐〕李嶠撰……………五〇五

李詩選註十三卷〔唐〕李白撰〔明〕朱諫選注李詩辯疑二卷〔明〕朱諫撰

（卷一至卷六）……………五一九

咸豐癸丑新鐫

唐駱賓王著 同里後學陳熙晉註

臨海全集

松林宗祠藏板

臨海集序

臨海志士也非文士也楊
用修有言孔北海與建安
七子並稱駱賓王與垂拱
四傑為列以文章之末技

各臨海集序

一

掩立身之大閑可惜也嗚
呼文章與立身果有二道
哉六論其志而已矣北海
志乎漢建安獻帝紀年也
概北海於七子不可概以

建安未始不可臨海志乎
唐垂拱武氏紀年也概臨
海於四傑不可概以垂拱
尤不可北海縻身無抹於
爰祚臨海倡明大義志卒

略臨海集

序

二

伸於二十一年之後非直
北海比唐史於臨海不傳
之忠義而儕之王揚諸人
違其志矣或曰孔璋居素
呼掾為豺狼在魏目紹為

蛇虺顏黃門以為丈人之
巨患臨海窮途落魄幕府
草檄非必生於本心設宰
相憐才牝朝物色安知不
與李嶠陳子昂諸人頌金

略臨海集

序

三

輪功德乎是不然夫觀人
於其素臨海於道王使自
叙所能則不奉令於上裴
行儉書則辭以養親於答
員半千書則勗以守道於

賦螢咏蟬諸作則見上疏
之實坐賊之誣讀寶劍思
存楚金鉏許報韓之句自
命不在申包胥張子房下
非其素所蓄積者然乎或

駱臨海集

序

四

曰敬業開三府於揚州不
掃地度淮而覬負江之固
此盤屋尉料其無能為者
也臨海杖策從之不可謂
智是又不然兵法常為不

可勝以待敵之可勝祖逖
自京口糾合驍健擊楫渡
江威行河朔劉季奴奮起
京口定晉室克燕秦敬業
猶是也異時琅琊王沖越

駱臨海集

序

五

王貞舉兵於博豫二州何
嘗不敗乎然臨海未嘗不
聯長安將相以為聲援也
緋衣小兒之謠蓋出於傾
陷之口而為敬業畫計取

裴炎同起事當不誣武氏
曰炎反有端豈即青鸞之
字歟炎與程務挺以將相
行廢立事炎以請復辟誅
務挺以申理炎誅按臨海
與程將軍書有曰送往事
居知此書作於嗣聖元年
將軍即務挺書又有泰預
賢良之薦及辭滿泛舟諸
語則是去臨海後以薦舉

駱臨海集

序

六

至長安即以是年由長安
至廣陵並非失職怨望也
夫敬業有弟敬猷唐之奇
杜求仁薛瑋魏思溫李宗
臣李崇福謀於外有臨海
結裴炎程務挺應於內與
朱虛絳侯何以異事之成
不成天也未可以病敬業
何可以病臨海且武氏克
狡百倍呂雉然卒不敢舍

駱臨海集

序

七

廬陵而立承嗣三思者大義持之也當是時武氏所信者張易之兄弟耳均房之居李昭德狄仁傑蘇安恆輩爭之不能得而天下

人、思唐易之昌宗心孤故吉頊之謀得入乘間言於武氏始託疾召廬陵不然武氏以羽林屬之諸武張柬之恆彥範等何從舉

兵乎由是觀之唐之復非復於五王討亂之日而復於中宗再入東宮之時非復於中宗再入東宮之時而復於柳州司馬傳檄天

下之時雖謂唐之中興、於一檄可也中宗追復李勣官爵故業不在原宥至於臨海獨下詔求其文傳之後人因其文以見其志

臨海亦可以無憾矣吾故
曰臨海志士也非文士也
集編自都雲卿凡十卷著
錄於唐志行世既久訛舛
滋多因取各本校正援據

駱臨海集

序

十

載籍為之箋註自知涓滴
無補江河西陵郡齋公餘
多暇因取篋衍舊藁排次
之臨海一生蹤跡略見於
茲不具論論其大者於簡

端

大清道光二十三年歲在
昭陽單閏夏五月義
烏後學陳熙晉序



駱臨海集

序

十一

同邑後學陳一夔書



駱賓王文集原序

魯國郝雲卿

駱賓王婺州義烏人也年七歲能屬文高宗朝與盧照隣楊炯王勃文詞齊名海內稱焉號爲四傑亦云盧駱楊王四才子仕至侍御史後以天后卽位頻貢章疏諷諫因斯得罪貶授臨海丞文明中與嗣業於廣陵共謀起義兵事既不捷因致逃遁遂致文集悉皆散失後中宗朝降勅搜訪賓王詩筆令雲卿集焉所載者卽當時之遺漏凡十卷此集並是家藏者亦足傳諸好事

駱臨海集

卷之首

序

舊序

彼以質千載於一時言惟是雕蟲之技也歟哉蓋必有稟乎其辭使人毛髮灑然而楊夫亦奮足而拊心也者唐故多立言所稱四傑則駱侍御在焉其辭文美麗宜宮商而和金石高廷禮諸公知之古今膾炙之矣及一抔六尺兩語雖激武氏怒而終以反正至是而李氏知侍御也當是時人皆稱快則當時知侍御也於今讀其檄者無不挹其生氣則於今知侍御也知侍御者固在此不在彼已余噴噴侍御有日往從給諫顏公齋頭見侍御集舊爲舒令陳君註而給諫補之均之不欲朽侍御也一日顏伯子抱其

駱臨海集

卷之首

序

遺藁而屬余敘曰駱公始以倡義獲罪旣以智遁全身其忠憤所爲也先大人自建言忤旨來歸嘗手註其文於松風澗水之閒茲不忍散帙置之將付梓焉乞先生敘其首夫侍御一代作者其風節與給諫畧同而伯子弓裘念篤又可嘉也乃不能辭伯子請人謂侍御主簿不調者十載繼又貢疏遷臨海丞文人不遇大率然也侍御之賢以臨海而益彰遇何窮乎侍御且文人之不遇而功業在成敗之閒者一侍御已乎獨惜其求文之詔亦遲之乎侍御之遇中宗中宗之知侍御也嗟夫

乙卯夏睡菴居士湯寶尹敘

夫中情懷而不論當其致有文之用故情以披文文以相質則文之致已顧胡論文者之固也曰文人無行夫曰文人無行者則纂組聲悅乏中悃而閑外貌其操業固然如咸陽韓非東京息夫躬之徒作孤憤賦絕命詞源炳奕幾傾十洲搖五嶽乃才之爲罪聖僧脂韋羊質而虎皮則幾無行矣然余觀駱義烏之於唐末路阻喪終身離憂比跡方軌庶幾乎兩人顧其附敬業荷義戈志在掃摯搶而新日月卽沈淪落魄不失爲節俠慷慨之士彼實騫其行無人乎五步之內銳於鬪睫一擊不中卒以不振若令老其才養晦俟時而動五王之烈方茲蔑矣逮其爲文凝厚質駱臨海集

卷之首序

三

而攄藻思雖浸淫俳偶氣乏爾雅亦漸靡使然若歌行古詩體制雅騷翩翩合度時其剪綵屬絢春華讓麗才士之深致也足不朽矣顧余獨謂士也才則不得潔其行卽潔其行亦不得毀其才潔義烏之才也者幾得以偉行掩奇潔義烏之行也者幾得以高華晦節尤怪行儉豎儒謬託衡鑒使與熙鄰二三子並以器識論殷今猶以榮名貌士也夫武林虞君更生嗜古而雅言詩於初唐獨左袒義烏因以暇蒐其全而閒爲之故其著歸緣往自足行不朽嗟嗟文以行重行以文遠是甯以文士目義烏義烏益不朽矣

萬曆辛卯三月社日千秋里人汪道昆敘

臨海集者唐義烏駱賓王集也賓王本才士而伸大義於天下時之傳其文者初稱武功集以起家武功簿也繼又稱義烏集則繫之以所生之地而究其生平實以好言事由永淳侍御史謫臨海丞因之哀其志者卽以所謫官名之雖其所爲文與龍門王勃幽州盧照隣華陰楊炯三人者齊名名垂拱四傑然而垂拱武氏號非其志云夫以六季多才士不幸遭逢亂朝相訟事纂竊以至于唐非遇擯斥卽殞身焉其亦苦矣然而大義不明忠憤無所發卽新都居攝亦嘗舉東平義旗移檄郡國然無一字傳於天下駱臨海集

卷之首序

四

而賓王草英國檄淋漓慷慨激切而光明一若是文出而天經地義歷數百年來不能白者而一旦而盡白之此豈才士文章已哉特是五嶽四瀆地不多產聖賢豪傑接踵有幾所賴生其後者表式而維持之況文章遞代尤易銷亡曩時藝文志有幾存者據本傳賓王亡後中宗曾詔求其文而已多散失然且二十之字至今不識卽唐史所載官職爲丞爲簿亦一往闕落惟魯國郝氏受詔收賓王文者有云賓王在高宗朝爲侍御史以諷諫下獄至今集中有在獄賦螢在獄詠蟬之作而唐史無有又且父祖閭閻終古滅沫至明萬曆閒蘭谿胡氏讀其與博昌父老書中

有云昔吾先君出宰斯邑一語而後知其父爲博昌令也乃予則又有進者考集之首卷第一篇則靈泉頌也靈泉爲邑丞宋公孝事後母丞廳堦下涌泉而作然而未知爲何邑丞也但以請作者爲蕭縣尉因之作舊唐書者屬之徐州之蕭縣而予嘗爭之頌明云此邑城控剡溪地聯禹穴徐州控剡溪乎又云某出贊荒隅途經勝壤賓王之臨海當經徐乎此必吾邑蕭山實有斯蹟而生其地者旣弁鄙而不自知卽前時史官又並不遇一讀書人可檢點及此而旣而自疑予邑之復名永興在儀鳳年其改名蕭山在天寶年賓王之臨海時卽又安得有蕭山旣而讀文苑

駱臨海集

卷之首序

五

英華則蕭縣蕭字本是前字且有註云前集誤作蕭然後知前縣尉者謂前之縣尉卽予邑永興而前此之爲尉者不惟蕭縣誤卽蕭山亦誤夫卽此一字之誤而時地改易史乘乖錯其所藉於後人之刊正如此今同邑黃君景韓不忘前烈凡其家之先達與此邦賢哲皆表其已行而脩復其所未備因之以釐訂之餘較及臨海景韓可謂後賢之特達者矣抑予有感焉寶婺爲文章之藪自宋元以來作者大興而湮沒者亦復不少嘗聞之蘇伯衡曰乾道淳熙間東萊呂公與仲友唐公皆以儒術爲寶婺冠而仲友所著過於東萊見有六經解九經發微十七史廣義帝王

經世圖譜天官地理禮樂刑法陰陽王霸諸考辨以及乾道祕府羣書新錄合不下八百餘卷徒以爲門戶所抑至今子姓無一板存者卽永康陳亮傑士也亦以門戶故而所遺文集欲再爲刊定而不可得蘭谿胡氏曾較臨海集而重梓之其已事也景韓有志能傍及他縣盍亦發其微而表著之

康熙丁亥仲夏月蕭山毛奇齡老晴氏題於書畱草堂時年八十有五

駱臨海集

卷之首序

六

舊唐書文苑本傳

駱賓王婺州義烏人少善屬文尤妙於五言詩嘗作帝京篇當時以爲絕唱然落魄無行好與博徒遊高宗末爲長安主簿坐賊左遷臨海丞怏怏失志棄官而去文明中與徐敬業於揚州作亂敬業軍中書檄皆賓王之詞也敬業敗伏誅文多散失則天素重其文遣使求之有兗州人郗雲卿集成十卷盛傳於世

新唐書文藝本傳

駱賓王義烏人七歲能賦詩初爲道王府屬嘗使自言所能賓王不答歷武功主簿裴行儉爲洮州總管表掌書奏

駱臨海集

卷之首

本傳

七

不應調長安主簿武后時數上疏言事下除臨海丞鞅鞅不得志棄官去徐敬業舉義署賓王爲府屬爲敬業傳檄天下斥武后罪狀后讀但嘻笑至一抔之土未乾六尺之孤安在矍然曰誰爲之或以賓王對后曰宰相安得失此人敬業敗賓王亡命不知所之中宗時詔求其文得數百篇

勣孫敬業高宗崩則天太后臨朝旣而廢帝爲廬陵王立

相王爲皇帝而政由天后諸武皆當權任人情憤怨時給

事中唐之奇貶授括蒼令長安主簿駱賓王貶授臨海丞

詹事司直杜求仁黜縣丞敬業坐事左授柳州司馬其弟

盤屋令敬猷亦坐累左遷俱在揚州敬業用前盤屋尉魏

思溫謀據揚州嗣聖元年七月敬業遣其黨監察御史薛

璋先求使江都又令雍州人韋超詣璋告變云揚州長史

陳敬之與唐之奇謀逆璋乃收敬之繫獄居數日敬業矯

制殺敬之自稱揚州司馬詐言高州首領馮子猷叛逆奉

密詔募兵進討是日開府庫令士曹參軍李宗臣解繫囚

駱臨海集

卷之首

附傳

八

及丁役工匠得數百人皆授之以甲錄事參軍孫處行拒

命敬業斬之以徇遂據揚州鳩聚民衆以匡復廬陵爲辭

乃開三府一曰匡復府二曰英公府三曰揚州大都督府

敬業自稱匡復府上將領揚州大都督以杜求仁唐之奇

駱賓王爲府屬餘皆僞署職位旬日之間勝兵有十餘萬

仍移檄諸郡縣曰僞臨朝武氏者人非溫順地實寒微昔

充太宗下陳嘗以更衣入侍洎乎晚節穢亂春宮密隱先

帝之私陰圖後庭之嬖入門見嫉蛾眉不肯讓人掩袖工

讒狐媚偏能惑主踐元后於羣翟陷吾君於聚麀加以虺

蜴爲心豺狼成性近狎邪僻殘害忠良殺姊屠兄弑君鳩

母人神之所同嫉天地之所不容猶復包藏禍心窺竊神器君之愛子幽之於別宮賊之宗盟委之以重任嗚呼霍子孟之不作朱虛侯之已亡驚咏皇孫知漢祚之將盡龍殄帝后識夏廷之遽衰敬業皇唐舊臣公侯冢飢奉先君之成業荷本朝之舊恩宋微子之興悲良有以也袁君山之流涕豈徒然哉是用氣憤風雲志安社稷因天下之失望順宇內之推心爰舉義旗誓清妖孽南連百越北盡三河鐵騎成羣玉軸相接海陵紅粟倉儲之積靡窮江浦黃旗巨復之功何遠班聲動而北風起劍氣衝而南斗平暗鳴則山嶽崩頽叱咤則風雲變色以此制敵何敵不摧以

駱臨海集

卷之首

附傳

九

此圖功何功不克公等或家傳漢爵或地協周親或膺重寄於爪牙或受顧命於宣室言猶在耳忠豈忘心一抔之土未乾六尺之孤何託儻能轉禍爲福送往事居共立勤王之師無廢舊君之命凡諸爵賞同裂山河請看今日之城巾竟是誰家之天下則天命左玉鈐衛大將軍李孝逸將兵三十萬討之追削敬業祖父官爵剖墳斷棺復本姓徐氏初敬業兵集圖其所向薛璋曰金陵王氣猶在大江設險可以自固且取常潤等州以爲霸基然後治兵北渡魏思溫曰兵貴神速但宜早渡淮而北招合山東豪傑乘其未集直取東都據關決戰此上策也敬業不從十月率

眾渡江攻拔潤州殺刺史李思文先是太子賢爲天后所廢死於巴州敬業乃求狀貌似賢者置於城中奉之爲主云賢本不死孝逸軍渡淮至楚州敬業之眾狼狽還江都屯兵高郵以拒之頻戰大敗孝逸乘勝追躡敬業奔至揚州與唐之奇杜求仁等乘小舸將入海投高麗追兵及皆捕獲之初敬業傳檄至京師則天讀之微哂至一抔之土未乾遠問侍臣曰此語誰爲之或對曰駱賓王之辭也則天曰宰相之過安失此人中宗返正詔曰故司空勳往因敬業毀廢墳塋朕追想元勳永懷佐命昔竇憲干祀無累安豐之祠霍禹亂常猶全博陸之祀罪不相及國之通典

駱臨海集

卷之首

附傳

十

宜特垂恩禮令所司速爲起墳所有官爵並宜追復勳諸子孫坐敬業誅殺廢有遺亂偶脫禍者皆竄迹胡越貞元十七年吐蕃陷麟州驅掠民畜而去至鹽州西橫槽烽蕃將號徐舍人者環集漢俘於呼延州謂僧延素曰師勿甚懼予本漢五代孫也屬武太后斷喪王室吾祖建義不果子孫流落絕域今三代矣雖代居職任掌握兵要然思本之心無忘於國但族屬已多無由自拔耳此地蕃漢交境放師還鄉數千百人解縛而遣之舊唐書李勣傳敬業少從勣征伐有勇名歷太僕少卿襲英國公爲眉州刺史嗣聖元年坐賊貶柳州司馬會給事中唐之奇貶括

若令詹事府司直杜求仁貶熙令長安主簿駱賓王貶臨海丞敬猷自盤屋令坐事免俱客揚州失職怏怏時武后既廢中宗又立睿宗實亦四之諸武擅命唐子孫誅戮天下憤之敬業等乘人怨謀起兵先諭其黨監察御史薛璋求使江都及至令雍人韋超告州長史陳敬之反璋乃收繫之敬業卽矯制殺敬之自稱揚州司馬且言奉密詔募兵討高州叛酋卽開府庫令參軍李宗臣釋繫囚役工數百人授甲斬錄事參軍孫處行以徇乃開三府一曰匡復府二曰英公府三曰揚州大都督府自稱匡復府上將領揚州大都督以之奇爲左長史求仁右長史宗臣左司馬駱臨海集

卷之首 附傳

十一

璋右司馬江都令韋知止爲英公府長史賓王爲藝文令前盤屋尉魏思溫爲軍師旬日兵十餘萬傳檄州縣疏武氏過惡復廬陵王天子位又索狀類太子賢者奉之詭眾曰賢實不死楚州司馬李崇福率所部三縣應之武后遣左玉鈐衛大將軍李孝逸兵三十萬往擊之削其祖父官爵毀家藏除屬籍赦揚楚民脅從者購得敬業首授官三品賞帛五千得之奇等首官五品帛三千敬業問計於思溫對曰公旣以太后幽繫天子宜身自將兵直趨洛陽山東韓魏知公勤王附者必眾天下指日定矣璋曰不然金陵負江其地足以爲固且王氣尙在宜先并常潤爲霸基

然後鼓行而北思溫曰鄭汴徐亳士皆豪桀不願武后居上蒸麥爲飯以待我師奈何欲守金陵投死地乎敬業不從使敬猷屯淮陰韋超屯都梁山自引兵擊潤州下之署宗臣爲刺史始回兵屯高郵下阿谿思溫歎曰兵忌分今敬業不知掃地度淮率山東士先襲東都吾知無能爲也武后又使黑齒常之將江南兵爲孝逸援進擊淮陰都梁兵皆敗後軍總管蘇孝祥率奇兵五千夜度擊敬業孝祥死兵溺者過半孝逸軍退守石梁有烏集噪敬業營上監軍御史魏真宰曰賊其敗乎風順荻乾火攻之利也固請戰遂度谿擊之敬業置陣久士疲皆願望不正列孝逸乘駱臨海集

卷之首 附傳

十二

風縱火逼其軍軍稍卻敬業麾精兵居前弱者在後陣亂不能制乃敗斬七千餘級敬業與敬猷之奇求仁賓王輕騎遁江都悉焚其圖籍攜妻子奔潤州潛蒜山下將入海逃高麗抵海陵阻風遣山江中其將王那相斬之凡二十五首傳東都皆夷其家中宗反正詔還勅官封屬籍尋完塋家焉初敬業之叔思文爲潤州刺史敬業起兵以使開道固守踰月城陷敬業責曰廬陵王繼天下無罪見廢今兵以義動何過拒邪若太后是助宜卽姓武思溫等欲殺之敬業不許及楊楚平乃獨免后遂賜武姓歷春官尙書或言本與敬業謀者乃復徐氏卒子欽憲開元中仕至

國子祭酒 新唐書李勣傳

唐紀初官軍逆風不利俄而風回甚勁孝逸縱火賊懼燒而潰敬業敬猷之奇求仁賓王走歸江都焚簿書攜妻子潛蒜山下手書召李宗臣敬業初與宗臣木契為約時亡其契宗臣疑而不赴或云宗臣已歸順敬業入海欲奔東夷至五陵界阻風偽將王那相斬之來降餘黨赴水死司馬光資治通鑑唐紀十九考異

駱臨海集

卷之首

附傳

十三

宋考功以事累黜後放還至江南遊靈隱寺夜月極明長廊吟行且為詩曰鶯嶺鬱岩崑龍宮隱寂寥第二聯搜奇覃思終不如意有老僧點長明燈坐大禪牀問曰少年夜久不寐而吟諷甚苦何耶之問答曰弟子業詩偶欲題此寺而興思不屬僧曰試吟上聯即吟與之再三吟諷因曰何不云樓觀滄海日門聽浙江潮之問愕然訝其遒麗又續終篇曰桂子月中落天香雲外飄捫蘿登榻遠剝木取泉遙霜薄花更發冰輕葉互凋待人天台路看余度石橋僧所贈句乃為一篇之警策遲明更訪之則不復見矣寺僧有知者曰此駱賓王也之問詰之曰當徐敬業之敗與

駱臨海集

卷之首

佚事

十四

賓王同追捕之不獲將帥慮失大魁得不測罪時死者數萬人因求二人者函首以獻後雖知不死不敢捕送故敬業得為衡山僧年九十餘乃卒原注出趙魯遊南嶽記賓王亦落髮徧遊名山至靈隱以周歲卒當時雖敗且以匡復為名故人多護脫之孟榮本事詩微異第五

唐裴炎為中書令時徐敬業欲反令駱賓王畫計取裴炎同起事賓王足蹈壁靜思食頃乃為謠曰一片火雨片火緋衣小兒當殿坐教炎莊上小兒誦之并都下童子皆唱炎乃訪學者令解之召賓王至數啖以寶物錦綺皆不語又賂以音樂妓女駿馬亦不語乃將古忠臣烈士圖共觀

之見司馬宣王賓王歟然起曰此英雄丈夫也即說自古大臣執政多移社稷炎大喜賓王曰但不知諸譏何如耳炎以謠言片火緋衣之事白賓王即下北面而拜曰此真人矣遂與敬業等合謀揚州兵起炎從內應書與敬業等書惟有青鵝字人有告者朝臣莫之能解則天曰此青字者十二月鵝字者我自與也遂誅炎敬業等尋敗

太平廣記原注

出朝野僉載

唐明堂主簿駱賓王帝京篇曰倏忽搏風生羽翼須臾失浪委泥沙後與徐敬業興兵揚州大敗投江水而死此其

太平廣記原注

駱臨海集

卷之首 佚事

十五

駱賓王未顯時庸作於杭州梵天寺終日作役至夜方休因憑欄而立時月色如畫一老僧苦吟不已繼以永歎因問之曰和尚何不睡去而冥搜如是僧云我作梵天寺詩止得兩句云桂子月中落天香雲外飄思之切至竟不能成章遂太息也賓王曰我當為汝足成之僧云爾何人而敢言詩然亦不能抑也令僧再舉前句即應聲曰樓觀滄海日門對浙江潮僧大奇之乃知命世之人雖溷蹟塵埃而胸中突兀權奇遇事輒見殆不能隱也

宋吳炯五總志

駱賓王方弱冠時徐敬業據揚州而反賓王陷於賊庭其時書檄皆賓王之詞也每與朝廷文字極數僞周天后覽

之至蛾眉不肯讓人狐媚偏能惑主初微笑之及見一抔之土未乾六尺之孤安在乃不悅曰宰相因何失如此之人蓋有遺才之恨

宋王諱唐語林

論者謂李杜氣節高偉其自負不止文辭閒不當與沈宋詔諛者伍愚亦謂李翰表上張巡之功狀使巡大節白於世邪說不得行而朝廷之賞當其功蓋義士也有關於風教者也當傳之巡遠之後而不當傳之文藝之列若駱賓王從徐敬業亂而亦不失文藝之名或者以其一杯之土未乾六尺之孤安在此二語有足以聲賊后之罪與

黃震日抄

高宗廢王氏立武氏武故太宗才人也其後武氏得志變

駱臨海集

卷之首 佚事

十六

唐為周駱賓王馳檄天下明指聚麀之醜而后曾不能設一語以自解說反嘆宰相失人乃知事犯公義不獨心不可欺口亦不能自文也

程大昌考古編